

理西年 (circled) 文 附

水

水

聽其自然。將肺內之元氣功用。隨時保養。使其自生守禦之力。而驅除病根。更爲得也。西國老人院之醫士。剖驗死屍。往往遇有內傷復愈之痕跡。在其肺上。因而詫異。然則內傷可痊。顯而有據。且其痊愈。出之自然。非由外力之助。實由其肺自強。而卻病至問其肺何以能自強。其力何以能自生。醫士何能跡之。且究竟如何使其必自強。今尙未知。敢留如許新義。爲後學講求。若得此法。誠有大造於人壽矣。由此以觀。考察微細病蟲而殺之之法。未能盡窮醫理之要。向來人盡致其心力於此者。又不容其臟腑自強。殊誤入歧途矣。自此格致之士。學而習之。講求人身自然拒病之理。則驅除微蟲之術全矣。此學正在萌芽。若夫成功。卽爲後代專門藝學之一。其益之大。正無量也。

錄知新報

有志竟成

歐人作事。堅忍耐勞。必至於成而後已。俄國有名博林苦者。年七

十五。於五十四年前。曾習醫學。入大學校肄業。未幾貧不能讀。遂出爲某醫生書識。二十年所得工資。再入學肄習。至一千八百六十三年。俄國顛覆。同盟黨事起。而博某與焉。爲政府廉知。科以戍罪。流西比利亞。爲銀鑛苦工之役。三十二年。自前年赦還。重入學校。揣摩二年卒業。由官考試及第。聞不日即在割魯所府懸壺問世。錄蘇報

創造玻璃壁

醫院四壁向用土磚。近英京各醫生。議改用席紋玻璃。俾滿室光亮。以便稽查洒掃。且病人得向陽之氣。尤能開鬱。易於療治。俟英京創妥。乃請英廷通飭所屬改造云。錄集成報

利濟外乘卷一終

一遇肺炎。或小腸發熱。或瘟疫與乎各種微蟲爲患之症。其勢必比不慣用汞藥之人尤甚。此何以故。或謂置蟲於筒中。以毒藥殺之。與人受蟲患而投藥殺之。皆以毒藥而制毒蟲。何以此則殺毒而彼反長毒之勢乎。不知筒之中。祇有毒藥與毒蟲相對。而臟腑中則另有生命居乎其中。此生命能拒病。毒藥之毒。既能殺毒蟲。則亦能傷此生命。生命受傷。則抵禦外侮之力亦失矣。或問此守禦之力。從何而得。曰。人身之血內白汁白輪。皆能殺蟲。且能吞蟲。其白輪之守衛身軀。可比軍旅守禦地方。設有外患相侵。不相容也。又有一種卻病之質。名曰晏地鐸善士。由臟腑生出。凡毒蟲所遺棄之毒。皆被此質化之。據亞門歌沙。及傅蘭昔士哥舍路美二人。所證病蟲之毒。首在其所遺棄之質。晏地鐸善士之質。不能銷化病蟲所棄之質。則必不能改其毒。且臟腑因與病蟲相戰。其功用忽改。且必生一種毒物。以爲病蟲之助虐。欲脫病蟲之害。祇有

二法。或將其毒由正路逐出。或將其毒改爲無毒。淺言之。卽或逐之。或焚之耳。此毒既焚之後。其餘燼毫無惡性。所謂焚之者。乃以養氣充實其內。譬猶炭得養氣而焚之意。至此養氣所自來。蓋由血之紅輪。經肺管而收得者。護衛臟腑。驅除蟲毒。以此氣之力爲最強。凡講藥性。須以長培養氣爲主。試舉調治小腸發熱而論。近人知此症之險。多以凍水浴身。並頻飲清涼之水。卽能減病。至於勿藥。昔則百人染此病而不能痊。有十九人。今則百中之四耳。良以用凍水。則紅輪中之養氣。可焚血內之熱毒。而此熱毒。實致病之所由來也。又內傷之症。尤爲利害。染之而得愈者寡矣。歐洲醫士講求新法。欲將肺中之病蟲殺之。其法或用製成之淡血汁。導入身內。不料未得其生。而反速其死。總之醫內傷之法。比三十年前無所進境。卽謂之新理。無所得亦可也。何也。內傷之病。率生於蟲。若以外法治之。其不至於害人不止。以愚所云。不若仍用舊法。

一所。俾各國有病窮民。前往醫治。其所需各款。由眾國人民奏成。錄官書局報。

德國麻瘋公會

近來麻瘋之症。漸傳入歐羅巴境。爲害非淺。各國士人。亟思弭除之。迄無善法。今德國創立此會。邀請各國深諳此症之醫士。於本年十月間齊集伯林會議。詳究麻瘋原委。及療治之方。其有故不克親身赴會者。卽將治法詳細開示。以供採擇。附錄麻瘋公會章程。本公會會議之期。定於本年十月十一日起至十六日止。每日午前十一點鐘開議。午後二點鐘卽散。會議公所。設於德國柏林克羅甫司脫街之醫部內。並擬另立麻瘋賽奇會。羅列一切察看麻瘋應用器具。以資攷究。本會應辦事宜。共有二十二條。現已聘定各國大醫士三十二位。各理一事。以專責成。其目如左。一。詳論麻瘋爲何等病症。二。審病源察病勢之法。三。察病者之

經絡。四。察驗麻瘋症有蟲與否。五。試取瘋蟲及收養瘋蟲之法。六。詳辨一脈遞傳暨傳染之別。七。如何調養患麻瘋之人。詳論宜食何物。宜忌何物。八。可否仿種牛痘之法。取麻瘋種之。九。是否經由血分傳過。抑或有病者所用器具傳染。十。各處麻瘋消長如何情形。十一。前歐洲本有此症。後漸消滅。今又由各屬地傳來。其故維何。十二。綜考各醫書所載經絡療治麻瘋之法。十三。論眼麻瘋。十四。腸內麻瘋。十五。麻瘋有含於內而不發露者。十六。法土兩國有類此之症。究竟有何區別。十七。患麻瘋人可否安置一處。十八。設麻瘋院。十九。立麻瘋善會。以資助患病之人。二十。麻瘋各國名目如何。二十一。溯考麻瘋原委。二十二。麻瘋出於何地。醫治麻瘋所用器具。賽奇會亦設於柏林醫部內列左。一。麻瘋骷髏。二。顯微鏡。三。麻瘋照相。四。圖畫各種麻瘋。五。各種醫治麻瘋書籍。錄官書局報

疫蟲宜治 重出

全地球皆有疫蟲。惟為數無多。則不能為害。西報言海濱山上。地極清爽。屋中居人。每一點鐘時。隨吸而入之。瘟蟲計尙有一千五百頭。若城市之中。人煙稠密。則瘟蟲之隨吸而入者。每一點鐘可得一萬四千頭。一晝夜當共二三十萬頭。宜其毒蘊內臟。不可救藥。今印度疫氣流行。其原委由於瘟蟲甚多耳。錄叻報

取淚醫病

波斯風俗。凡人死哭者之淚。各用淨海絨拭下。交給神甫。殯葬後。神甫將海絨淚取出。置於小酒盞。治病甚靈。錄集成報

西醫日精

紐約喜羅報云。微蟲作病之說。日闢新機。各國精明格致之士。考究病源。得此新理。而支理亦於是因之。以明醫症之法。盡改舊章。卽如產後熱症。與鵝喉等症。皆得新法醫治。且瘟疫症。牙關緊閉。

之又大不盡然。蓋物之引熱過寒，遞變無常，且易於留散也。又曰：醫生於此等惡疾，每有剖尸以觀者，其毒氣侵入鼻孔，流於腦髓，雖精於醫術，至此恐難以醫人者，醫己。醫者既攝人生，盍先攝己生耶。錄集成報。

疫癘盛行

邗上前因天氣亢晴不雨，以致盛行時痧斑疹等症，詎邇日又因兼旬淫雨，陰霾之氣，抑鬱不散，加以三伏不甚酷熱，暑氣遏伏，不申。值此新秋，遂多疫癘，患者類多長熱不解，暑伏心營，醫藥偶一不慎，或誤用燥品，或施以苦寒之劑，卽成不救。連日新舊城因此斃命者，時有所聞。其餘瘧痢等疾，尙屬輕症。疫癘流行如此之盛，衛生者宜如何加之意哉。約申報。

請建醫院

旅居神戶英人前數月會議奏請日皇，在神戶建立萬國公醫院，以民生疾苦爲己任。接准之下，亦卽抄錄總署原咨及英法體察瘟疫報局所譯之公啟，出示曉諭。杏林橋井中人聲明如有願與會者，卽將姓氏開單稟報，以憑轉請核資，或經寄函於蘇格蘭島之艾典伯洛城醫士達威德森察收。惟函札須用英文，或法文達文。若用華文，恐不能驟曉也。又論者謂華醫論疫，祇知緣陰陽愆伏，穢惡薰蒸所致，用藥無非清心解毒，得其要領，亦能立起沉疴。西醫論疫，近多主於疫蟲爲厲，且有謂人呼吸一時，應得吸受疫蟲幾千幾萬頭，因而患成疫症。更有謂疫蟲蠱生於土，掘出製煉，卽可以之救疫。香港前年已有某國醫士究得此法，活人無算云云。志諸日報，獨誇其能，以與中醫比較，幾乎鑿柄。今乃轉相招引，是豈該國醫者亦欲相與印證，抑將獨排眾議，知中國醫道古聖相傳，未始不有天人奧竅存乎其間耶。敢誌數語，以與學貫中西之和緩家論之。錄申報。

時疫遠傳

意大利國羅馬都城聞印度之患瘟瘧也。因請各國派員會議辟疫之法。各國皆許之。關心大局之善士。不禁浩然長嘆曰。世之營營逐逐者。類多專謀利己。不顧損人。庸詎知人已之間。大有息息相通之勢乎。今特就疫言疫。一千八百六十二三年間。中國有髮匪之禍。上海難民麤集。穢氣薰蒸。爰有霍亂之證。自滬傳染至廣州。香港新嘉坡印度突厥而入歐洲。更蔓延以至美洲。病根始絕。前年廣東有奇證。或名之曰鼠瘟。傷斃人命。不計其數。亦自粵傳染至香港汕頭廈門等處。旋改道而西。今已至印度至波斯。他日必將過突厥而入歐洲。宜乎意國之先籌備禦也。若夫傷風之證。雖曰小病。亦不得謂非疫類。是疫也。起自俄屬之中亞細亞洲。往西而復往東。今已環繞地球者三次。尙未能消痰止咳。然則謂人有病而我不干者。豈其能避入牛角之尖乎。節萬國公報

別離奇症

印度有一種奇症。民人喚作別離別離。患者雖不至傷命。而手足每成廢疾。先祇土人患之。近來歐洲之兵。調至該處。亦間傳染。現經某軍營醫生究得別離別離之症。因印度土民客民。性皆喜食稻米。凡由西貢運至之米。食之皆患此病。惟蘇門打臘島之米色紅。食之不患此症。蘇拉巴阿獄犯八百名。因食西貢米。患別離別離者多至百名。其易食紅米而痊愈者。已有十三名。約木司寇新聞報

樹汁醫肯

英屬澳大利亞洲。樹木叢雜。虬結樸樛。莫可指數。間有名油加榴鋪樹者。最易移植。多種此樹之處。居人罕患寒熱等症。享其利者。初未之知也。迨有人留意考察。凡有此項樹木。村無疾病。遂相以爲異。請精明醫術之人。考此樹之質性。經醫家再三揣驗。此樹之

汁果爲上等藥品。以此樹之汁塗抹病體百中不愈者僅一二人而已。且疫癘之氣因此消除。眞不老之刀圭也。錄益聞錄

醫疫設會

蕪湖道袁爽秋觀察。前接得上海道來文。得悉和國國家。現設醫會。專立解疫之法。到處設局。印造新報。以便中西各國。咸知防疫。於未染之先。現由該國駐華公使照會總署。轉咨南洋大臣。札飭沿江沿海各關道。一體傳諭中國醫士。及在華西醫。如有願與會者。卽將姓名登報。稟候核咨。並得由官酌量資助。以便聚精會神。遍察天下萬國瘟疫流行之理。創設預防之法。俾各國生民得免此等浩劫。是以英法等國。刻已捐資相助爲理。並設立體察瘟疫流行新報局。俾各國盧扁家。考出瘟疫原委。及創出預防之法。隨時函寄。歷誌情形。該局卽可薈萃成編。以供醫者採輯之用。刻下江海關已遵諭。由外銷款內酌量資助。並卽出示曉諭。袁觀察素

起於湫隘不通風之地。若多吸海風。自不染矣。卽十數齡之女童。令其多吸生氣。多習勞。至爲婦時。自易於孕育。生氣雖由地球出。有時被濁氣混雜。各處不同。故人每吸生氣。而全體舒暢。自能卻病。由濁氣而換清氣。則脾胃必爽。試觀野人在山林中。能健步能強食。能長壽。多吸生氣之故。昔有醫士擒一野人歸。與以飲食。不能大嚼。非野人不欲居潔淨屋宇。因氣候不同。後住稍慣。則飲食饕餮矣。昔又有英人士顛尼。帶兵到亞非利加洲。考察地方。厚待黑蠻。黑蠻亦愛之。黑蠻酋長。延之入坐。士顛尼攜黑蠻出。在英屬地居。飲食居處。與士顛尼同。不久遂死。可知其氣候不同。若放之在山林。則未必死。士顛尼再入山林。見黑蠻酋長。後見氣候不同。而體不舒暢。遂出。可知人常吸慣之氣。若遷往別處。則不同矣。若有疾病。則往清氣地方。以換其濁氣。可保無恙。故今之醫士。多考察氣候。以治病人。約紐約格致報

防瘟多術

查防瘟之方甚多。惟令病者服牛奶精。功效最大。一千五百年間。醫生多得拉耳創治瘟之方。係將蟾蜍曬乾。碾成粉麪。使病瘟者。和酒飲之。屢試屢驗。一千五百七十六年。醫生馬沙里歐治瘟。用針刺病者之筋絡。頗著成效。他如以膏藥貼病瘟者之腫痛處。若起黑癍。復以紅鐵烤之。亦為治瘟良法。又有香醋亦能避瘟。節官書局報

考試醫學

星報云。檳城學童伍連德。前往英京肄業。岐黃。茲伍君學業有成。同與考試者一百二十人。選取六十三名。又檳官曾送傅振明一名。往印度瑪得勝地方。習泡製之法。此次亦考取。惟名在伍連德之下。將來實得力三島中。又有華籍西醫。足與林君文慶鼎峙矣。錄集成報

工部局諭

上海工部局。因各處有瘟疫症。恐怕傳到上海。所以刷印單張。着人分給租界百姓。各人洗治自己房屋前後。不得堆積污穢。以防疫症傳染。錄官話七日報

西醫大會

西國醫術。得格致化學而術益進。蓋既得病源。則施治自易也。特是意見不一。治法或異。現在諸醫士。擬於本年復舉大會。以資講求。庶幾新法日出。醫學益精焉。錄倫敦郵報

生氣養體

美國有醫士名雷士者。謂人常住一處。所吸生氣已少。必要往山林中住一二月。多吸生氣。乃無病人之氣質弱。最妙在山林中。吸生氣。上古時人。地廣人稀。生氣吸之不盡。故人皆壽。今則人多地逼。生氣不足用。故須在海邊。或山林中吸生氣。人之吸氣。皆由肺

管人煙逼稠之處則濁氣必多故肺管吸之必至成毒故宜多吸生氣以滌肺管也然古人建屋不避卑溼感其溼氣日久致傷筋骨惟溼氣亦能醫病今英人之內傷者多遷在溼氣地方居住潤其肺管傷者易愈前有醫士醫一病人久不愈醫士到其住屋考驗知該處地不潔乃命之入山林居住令多吸生氣而愈今之醫士皆考驗氣候海上及山上之生氣皆能衛生若人有病游於海中能令人神智清爽蓋人之能生皆由清氣若吸濁氣多則成疾病凡人面色黃瘦者到山林中多吸清氣使滌其肺管則愈矣當夏熱時宜築屋於山林或海邊住數月吐納生氣而身自強健清氣之中以不燥不溼爲佳人之吸氣不獨五竅能吸之微絲血管亦吸之若多吸生氣雖飲食不豐而身體自壯凡地方煙戶逼稠者多有濁氣騰於空中醫士曾用玻璃罩吸貯用顯微鏡視之有無數細點此是病種如身體弱氣管吸之遂能生病瘟疫之症每

藥凡新症到治病重者留院內飲食一切供給醫士每日到驗二次使婦人侍奉若既愈而歸醫生送諸門外祝以吉語執手而別富人在院醫愈則樂助金錢貧人醫愈出而作工者所得金錢亦樂於捐助然無論貧富捐否不過問也前有各國俊秀子弟在此肄業今則漸少昔年遣人到各處查學徒卒業歸作何事不知學徒回國皆設書院課徒施醫現在各國書院林立悉仿伯士隨之章程其功亦偉矣我國閩秀多在此院肄業院內醫士考得醫狂犬噬傷之妙法輕者半月而愈重者二十日而愈常人每言狂犬傷足症不甚要最要者傷手此醫士獨以傷頭爲最要其治狂犬傷法即將犬腰骨割去懸在玻璃樽內候乾取其一節研末用製水礮汁和末塗傷口至十三四日膿血去盡矣

約知新報

新法治病

上年西國新得隔膚見骨之法所用之光名爲盧煙賤之光綫又

名又光綫。此光綫一出，格致家皆能悉心考究，多試用之醫病。前經有人登錄此光綫能殺滅內傷之微細毒蟲，但以顯微鏡考之，並無實據。有醫師名雷日者，考得以內傷之微細毒蟲名挑罷喬老士者，將一隊導入豕肺之內，又以光綫頻照之，其豕無恙，其不得又光而照之者，竟如常豕染內傷之疾，歷驗不爽。又有醫士名柯舌者，報說曾以光而醫一內傷女子，年方十七歲，每日照肺一點鐘，連照三箇禮拜之久，大有轉愈之勢。後因失其機器，遂罷而不照，女子之病竟復變沈重而死。有一四歲孩子，背上生毛，曾得奧京維也納之醫士名傅路安者，以光綫連照十日，而盡除之。以光而除毛髮之事，尚屬常有，但非常時獲益。若用多次，必將毛管傷害甚深，蓋紀路基儘君決斷此弊，由於機器管所用之鉗片，化作微末，侵犯其毛管也。迨多人陸續考求，確知此說為不差云。錄香港孖罇報

疫蟲宜慎

叻報云：大地皆有瘟蟲，惟為數無多，則不能為害。茲者西報稱印度疫氣流行，究其源委，由瘟蟲甚多故耳。海濱山上地極清爽，屋中居人每一點鐘時，隨吸而入之瘟蟲計一千五百頭。若城市之中，人煙稠密，則瘟蟲之隨吸而入者，每一點鐘時，可得一萬四千頭。夫每一點鐘時，吸至一萬餘頭之多，則一晝夜當共二三十萬頭。宜其毒蘊內臟而不可救藥也。西報之言如此。按疫蟲之說，西人固恆言之，但何以知每歷一點鐘時，能吸若干頭？究用何法以算之，是真欲索解人而不得矣。錄申報

巴黎書院述略

近有孀婦怕士隨者，富室婦也，慷慨好施，將夫遺產在巴黎創一大書院，教習生徒，醫治病人，貧家兒女，皆可入院習醫。以及周旋病者，院地宏敞，院內築高樓一座，一大花園，馬房，格致房，機器房。

製藥房。學醫病症房。藏各國圖書房。歐洲諸國以及中國之人。皆可入院肄業。生徒所學。必由怕士隨。將各書潛心考究。然後選以教授。花園內禽獸草木有千萬種。令學者考求醫禽獸草木之病。並考求人被禽獸草木之毒所傷。用何法以治之。若人有險惡頑難之症。則邀入院內。使醫士施治。更求妙法。以示學徒。院內工役甚眾。有侍奉病人者。有飼養禽獸者。有灑掃地方者。房舍皆設地氈。每早開院門。學徒穿戎服。持鎗械。鵠立兩旁。以軍禮而見教習。須臾教習到。卽訓以兵法。其軍令森嚴。有若前王拿破崙出師時者。操畢。退入私房。各執其業。十一打鐘。施醫看症。聞者一人穿戎服守候。以病人來之先後。分醫之次第。病者到醫所。皆靜坐默對。初醫則先簽名在部內。醫生將病人週身察驗。驗畢。將紙書明某症。當用某藥。病者又持紙過一醫生處。該醫生亦如前法察驗。登錄病狀。三易醫生。皆如此定症。然後將方。令執役人持往藥房取。不知爲備。未幾而災作矣。八十八年冬。俄阿士親州卽有灰鼠瘟。灰鼠千百成羣。逃出窟穴。率死於田間。獵戶利之。熟皮取油。以販於市。於是瘟疫大作。傷亡多人。按波斯瘟疫。其病首傷肺。精。其次則病在傷腦傷肺者。可治。傷腦者不治也。總之防瘟之法。掃除房屋。務使潔淨。凡歐洲聲名文物之地。雖偶或傳染。不至大厲者。此也。節官書局報

會議行醫章程

日本上議院集議行醫章程照錄 第一款 醫道人命攸關。如欲行醫者。須照例考驗。 第二款 凡醫院各學生。學成欲爲醫者。一概免考。 第三款 凡考取醫生。非大千法紀地方官。不得拘束。 第四款 凡國內醫生。不得另務別業。 第五款 各處醫生。須各自設立醫院診症。所有醫院情形。稟報該處地方官。 第六款 如診遇傳染病症。須卽稟報。 第七款 遇有瘋狂等症。亦須卽日稟報。

第八款凡病人非真沈重不起者醫生不得推諉。第九款倘病不至死雖極難雜症醫生不得畏難苟且。第十款省府鎮埠各處醫生須立一公會。第十一款不入公會者不准行醫。第十二款凡醫生犯科等事由會首稟呈地方官轉呈內大臣懲辦。座中那喀吉馬曰行醫原期濟世救人倘庸醫誤人應科重罪喀西谷來曰各醫院學成者行醫亦須考試即學西醫西法亦應一律辦理。節日本郵報

治聾新法

西五月一號香港士蔑報云有比利時人名打臣者新製一治聾機器若置之聾人耳邊即與之細語低言亦無重聽之患今擬推廣其法更製大機一具俟三年後賽會時攜往會場賽演即招集聾人踰萬亦可使人人聽說一一無訛云彼向之所謂治聾機器者今則瞠乎後矣。錄知新報

可祛疫保身至飲水必須煮沸食物時常掩蓋不可貪涼露處跣足當風乃可免傳染之患。錄滬報

善醫僂童

法國有醫生名卡列者意大利國人專醫童子駝背之疾原駝背之疾皆因脊腰之骨曲不能伸且醫治此疾下手時十分痛楚下醫士憫世人多患此疾故悉心研究習練十數年學成將其法筆之於書闡發醫理分送各醫院使操斯業者各奏其能其所經醫愈各童非徒徵之以圖更可面詢受疾之人確鑿可據醫法先以蒙藥迷童用四人護助醫士雙手輕輕按摩其背俟該童脊骨之節鬆開約二刻鐘可以復原惟最難醫者腰脊骨軟偶錯手法立斃最爲危險今卡醫士自出心裁造成機器一副專醫此疾惟醫後仍用藥帶縛其脊腰及駝背之處必先令該童臥於牀上然後縛束約在十五刻鐘之久縛妥合醫及縛束歷二十刻鐘可以完

須擇地建造房屋矣。錄集成報

疫蟲備驗

臺灣安平時疫流行，外宮後街某店，一夥適遭疫症，昇入避病院，醫藥不效。主病院官醫以爲中疫後，兩膀傍腫如核，起則不治。因揣核中必有結毒，乃將該夥之屍割出腫核，以顯微鏡照之，果有疫蟲蠕蠕而動，兩頭各有黑點如眼，與糞窖之蟲無異。乃以法取出疫蟲，貯以玻璃確以備考驗。按此蟲爲空氣積毒所化，微不可見。每乘日光未出之時，已沒之後，羣聚而飛，遇物輒伏。人食其物，則蟲入臟腑，胎生卵育，頃刻繁滋。一身氣血盡成蠱毒，或身上奇癢，搔損皮膚。此蟲觸之，便由毛孔以入血絡，吸取人血，隨時長養。皆能生出疫病。既病則毒發而死。然當嚴寒之候，或日光映照之處，則疫蟲立刻死絕。凡衛生者，於該疫流行之時，務必明窗淨室，令此蟲無自而伏。且衣服寢具，尤當每日披曬。既無瘴濕之氣，並二七。第五日醫一人不治，計共醫五十人，愈者三十三人，死者十七人。據也。仙云：須視症之淺深，以定能否醫治。嗣因藥不敷用，乃辭聘而回。錄中外新報

禾蟲愈疾

夏雨之後，禾下之土蒸鬱而生蟲，或由稻根腐爛所化。稻根色黃，故蟲亦色黃。大者如箸，其長至丈，節斷而出。斷處輒復生口，口生復斷，生而未斷，則色青。熟而將斷，則色黃而紅。早稻以夏至而熟，則蟲亦熟。晚稻以霜降而熟，則蟲亦熟。其熟之時，多以初二、三、四、五、六、日乘大潮節，斷而出。浮游潮田上。漁人布密網取之，禾蟲大來，水爲之熱。每有多至盈網而不能起者。蟲得鹽醋則白漿自出，濾而蒸之爲膏，甘美益人。蓋得稻之精華故也。且能愈腳氣疾。佛山富文潘某，富家子也。久沾腳氣之症，屢醫不痊。去冬聞友人言以禾蟲爲饌，可愈告之。今夏禾蟲始出，市取作饌。詢友以烹調

之法據云不用油鹽品料止以水酒入禾蟲內半時之久取出傾
汁沖酒飲之並將禾蟲飽食連服三四次自見功效潘如其教初
覺味腥頗難入口但爲足計不得不強啖之果覺漸食漸愈今以
連服再三腳症如失節中西報

博濟醫局

西人素重醫學故其國醫局動以萬千計道光中葉西國善士始
在羊城開設博濟醫局後更遞次建立分局以廣博濟計其分局
一在河南一在連州城一在連州三江一在廣甯一在肇城自開
設至今計華人從學西醫已成業者六十四人將成者二十六人
女醫已成業者十四人皆能通明西醫其去年所刊徵信錄內開
總局診症共三萬二千四百六十名河南分局診症共一萬四千
二百八十名連州廣甯肇城各分局診症共三萬七千二十二名
另喜加醫生下鄉沿途施診共千四百八十九名錄四月集成報

西醫論舌

中西醫學各有短長惟自口入胃由大小腸而至肛門中土醫書
無其名西人謂之養生路欲知養生路之情形可辨舌如何便知
大畧蓋舌係一塊堅硬肉筋所成其中有多絲且以生津液胞膜
包之並浸於口液之內故舌能顯明肉筋條並腦線器具之情形
並運行血法與生津液器具之情狀其特能顯明養生路津液情
形者因舌之胞膜與養生路相接也無病者之舌形色各不相同
有常清潔者有稍生苔層者有鮮紅色者有淡白色者或爲緊而
堅或爲鬆而軟並有牙印或當伸出之時闊而軟弱或收束緊而
成尖鋒在早起食物以前卽無病之人亦有白苔一層如在臥時
口不閉緊則醒覺後舌必稍乾病者舌色俱異約而言之在惹厭
之時舌小而尖在乏力之時舌闊而軟在暈絕並停呼吸時舌之
熱度減少在霍亂吐瀉時舌之熱度極少並其呼吸亦稀血足者

色必鮮紅。血枯及久病者，色必淡白。惟發症之時，其舌極紅而痛。在各種重病內，大半舌皆有苔。發熱病第一層時，傷風喉核生炎，舌上俱有一層白蜜色之苔。發熱病第二層，舌有厚紫色或黑色之苔。血不清潔，生津不爽，並大便惡臭之時，舌有一層厚黑乾苔。牙有黑垢，舌有紫色乾苔，惹厭之病將退，舌即漸變濕黃。胆病舌有胆汁色之苔，身虛泄血病，舌有濕苔。好飲酒，其舌上常有裂紋。然則舌體雖微，其關係甚大。約四月滬報

孟買疫耗

孟買所患核症，自蔓延以來，至西本月十五號止，查染是症者共一萬一千三百三十三人，不治者共九千四百九十三人。法醫生也仙，能以疫蟲製藥治疫症，適者應聘而往。初到之第一日，醫十七人，愈者十五人，死者二人。第二日，醫十七人，愈者十一人，死者六人。第三日，醫十二人，愈者半，死者亦半。第四日，醫三人，一愈而

臺境瘟疫

臺境疫症流行，斃命者頗多。查境內凡患疫症，入日本醫院調治者，俱去其上下衣服，以大白布和藥裹之。鮮有活者，醫愈始能放出。否則欲歸不得，故民間畏醫甚於畏疫。自新總統到任後，另設一醫院，廣延日本醫生及臺地醫生，又僱多人供役。總統日到醫院查看，加意體恤，以故臺民如獲更生。疫症亦日減一日。但此症泰西醫士尚未考察明確，未知是否瘟疫也。節三月初八日官書局彙報

治疫奇醫

法國醫生也善君前在香港考究治疫之法，今到印度施醫。其法係取馬血製藥開水，由糞門射入而治之。每馬每月出血四次，每次取血五列他，共為二十列他，製為藥水九列他，足治百八十人。之用也。善君現存藥水，足治重症二萬人。節三月十一日知新報

西醫妙技 一則

美國有阿里吉三倚魯樂子斯者。孩提時誤吞一鍼，未及取出，然亦無痛楚。近忽肩膀非常疼痛，醫云必有外物刺於肉內。於是用也吉斯機器觀之，見肉內有金針一枚。遂用刀劃開拔去，痛遂止。俄國阿迭子煞福音病院，有一婦人，年三十二，因連喪二子，哀痛逾恆，遂覺精神恍惚，釀成癡顛之疾。屢欲自戕，如毒藥及各種危險之物，莫不吞之。然終不死。醫生問故，婦曰：凡妾日用所需，皆藏諸腹中，豈不更覺妥慎。後為弗氏行剖腹之法，檢其胃中所儲者，有五寸許鑰匙，六寸許銀匙，五寸許鍍金茶匙，八寸許叉子釘二枚，二三寸髮針各一枚，玻璃碎片大小十二個，四寸許鐵一塊，金筆鉛筆針共九枚，鈕扣錫箔小球共四枚。外科用曲針一枚，以上共三十七件，計重九溫司。悉行檢出，再用針縫好，以藥糊之。其疾若失。錄四月初三日商務報

仁巢君松亭，巢君鳳初，及專治傷科之徐君宗楊，欲求醫者到堂持票親造請診。本堂亦一概給藥，想彼貧民，既不須分文之少費，並可期疴癢之徐痊。此固諸善長惠足及人，亦各醫士技能淑世焉。至於義塾，亦於廿一日開館。凡貧家子弟無力就傳者，可預告本堂註冊。屆期或由父兄親鄰率領該童入學，逐日教誨，費儀修金，筆墨書籍，皆由堂中備給，不取貧家分文。惟願小子有造，大地皆春。此做堂之所厚望焉。滬北廣益善堂董事唐廷桂嚴信厚葉成忠施則敬謹啟
錄正月二十日申報

衛生瑣談

嬰孩始生睡時最多，自六七歲至十歲十一歲，須睡至十點十一點鐘，方合養生之法。此父母所宜加察也。年屆弱冠，在睡九點鐘，中年八點鐘可矣。寢臥不足，為患殊深。因少睡則腦傷，百病叢生。向之神清氣爽，樂於工作者，至此則身性變易，神魂恍惚，易於驚

悸矣。節正月十四日官書局彙報

醫警新法

紐約醫士愛提生用令羣映相電光法可令瞽者復明即無眼珠之人如腦氣筋未斷亦可復明現醫瞽者二人頗有成效錄正月十四日官書局彙報

痼癩在抱

英報云英后聽政六十年心切痼癩傳諭云國內久享太平惟貧病之家或猶未能週顧願由報効銀款中提七萬鎊開立女醫堂購備藥品以濟抱痼之無力調治者錄三月初一日官書局彙報

法醫除疫

法電言醫生友省得掃除疫蟲之術印度今正患疫電邀施治近又接粵信請設專局於廣州以備粵疫未知友省之何去何從也錄三月初七日官書局彙報

驗其應削除與否以及有無別法可以療其隱疾然後治某之罪未為晚也如其不然某則請詳臬堂核訊不願遵斷也邑尊許之由縣而府而省凡三斷而不得直及前月某日由刑部堂官提審葛醫方悟原告當時曾有簽字畫押之憑據可以作証並非師心自用有犯醫律遂將字據檢出呈訴巔末刑部堂官乃責原告曰汝之病症歷考著名各醫士若法若德以及本國之著名者皆謂如此施治並無舛錯不如是則於性命有礙不僅絕其孕育已也況汝既有畫押在先願從剖治更不應責被告之罪今為汝等斷其訟籐所有律師訟費均由被告給償永息爭端毋庸別生枝節致干罪戾云云原告俯首無言其一種嬌羞之態令人見而生憐葛醫亦唯唯遵斷而退核計所有訟費約需一千八百金磅合銀將近二萬元之譜如此鉅款雖未曾一旦籌備然念原告恩將仇報心頗不甘通國眾醫生皆踴躍捐助以償此款非葛醫之才品

兼優未必眾心齊一。肯爲幫扶也。然則葛醫之遭此訟累。不且因是而廣播其才名也哉。又何怨。錄正月十九日滬報

醫學通神

杭垣自交春令。喉症陡發。有趙公子者。亦染是疾。不數日間。點滴難下。旋經祖傳專科之沈希仲茂才。授藥一劑。復以壺中丹吹之。應手而愈。據稱因去臘雪少。天氣燠煖。陽不潛藏。至春少陽發動。火氣上升所致。當以竹葉石膏湯爲主。自然立奏奇功。世有攻岐黃術者。尙其默識斯言也可。約正月二十日蘇報

施醫設塾

敝堂施醫給藥。歷有年所。今遵舊章於廿一日開診。專請內科李君紫璇。韓君小橋。秦君子和。韓君少懷。岑君仲良。許君蓉江。孫君雲舫。外科請朱君莘巖。顧君少雲。到堂施診。每逢單日上午。風雨不更。並恭請孟河名手。內外科兼全。大發善願之巢君崇山。丁君種病情。較男人尤爲煩瑣。其有病入膏肓。非藥力所能攻瀉者。必剖腹滌腸。使其去汙生新。方無後患。非然者。藥到病消。未幾旋發。雖廬扁與居。無所施其技。而欲其著手成春。不可得已。然則葛醫士之剖腹探源。蓋有獨具隻眼。而專門名家焉。數月前。有某氏女。年過花信。尙未字人。屢患小腹作痛之症。求治於葛葛。以手按之。有結核隱橫小腹左右。知爲子宮之受病。非剖視而治理之。難以奏功。女以久痛不愈。應之曰諾。葛雖有胆識。然猶未敢卽爲下手也。因命女簽字畫押。然後奏刀。始劈開小腹。見其結核如肉瘤。其一已潰爛矣。其一雖未潰爛。而包藏惡血。殆不可爲。因思此核。爲婦人受孕產育關頭。如花心之全賴以結子者也。若削而去之。則絕其孕育。竊恐誤其終身。不削而存之。亦難望懷孕。且恐有性命之虞。權衡輕重。不若去其病核。而全其生。較爲上策。於焉削之。以璃樽浸以藥水。女創旣合。病亦旋愈。擬圖所以報之者。歸而商

諸其妹。妹性慧而黠。笑謂姊曰。阿姊貴恙獲痊。固其幸也。爭奈桃花無結子之望。豈蕊絕含苞之期。人知之悔爾婚。人不知亦誤爾身。不仇視而控訴之。反欲圖報何其愚也。女聞妹言。柳眉到豎。桃臉翻紅。遂惑於其妹之說。謀諸律師。具稟控告葛醫於邑主。某大令提女到問。女供前曾有某氏子來議婚。將及於成。今因葛醫剖腹絕孕。某氏子聞之。或將拒我。是將誤我終身。而無肯相攸者。前路茫茫。雖生若死。是葛醫雖能爲我治病。畢竟功不補過。恩難敵仇。而謂孱弱女子其肯甘心緘口。而不呼冤泣訴者乎。邑主見其語帶悲酸。惻然動念。遂召葛醫到案。而斥其不是之處。判令賠償六千金磅。合英洋六萬餘元。以給原告爲畢生養贍之費。葛醫曰。冤哉。某自懸壺壽世以來。一以謹慎爲懷。從不輕舉妄動。今原告所控各情。某當時亦曾念及。但念救生爲重。而不遑慮其有他也。若謂其所以治病之法。或有舛誤。則肉核具在。可請各國名醫覆適卒業而歸。遂與泰西某女醫同立紅十字會。更得奧國總理事相助爲理。募諸各善士。集得洋銀三千餘圓。受傷者遂醫藥有資。漸漸痊愈。皇上聞而欣悅。特於事畢之後。賜以御書橫額。以獎其功。其額長六尺。闊二尺三寸。採以黃色。大書恆樂慈善四字。上鈐御璽。中書敕賜二字。四圍遍綴金龍。雕刻精美。蓋以中國政府有善必徵。故奏請。皇上特頒此貺。此婦亦榮矣哉。約正月十七日申報

官設醫學

金陵普育堂官醫。經江甯府柯太守逢時招考後。錄取二十二。人。傳取前列五名。到堂施診。於是得列前茅者。咸來堂一試其技。未及旬日。拔取第一之陳某。卽被人控告。稟中大略謂。陳兩耳重聽。診病鈔襲古方。全無心得。爲眾論所不服等情。因復飭傳驗看。另召他人承乏。而令陳歸普育堂義學充當教習。此去臘事也。新正

某日太守又以醫道關係人命責任匪輕不得不亟圖整頓爰擬創設義塾就愛育堂延聘醫學宿儒教授民間子弟參以西法並購辦化學器具製造藥料務令功歸實濟學究本源俟三五年後考驗給憑始准行道濟世庶少庸醫殺人之弊刻已申稟督憲劉峴帥峴帥准之札飭上元江甯兩縣主知照各善堂紳董勸撥款項若干以成此舉錄正月十八日申報

倫敦醫案

倫敦醫報載有英國葛醫士被某氏女控告一案纏訟數月始經判結其事頗新在西人視爲故常而華人鮮不詫爲異事查英國之業醫者統計四萬有奇而葛醫士固四萬中表表特出羣推爲斲輪老手者也然其所最擅長者厥惟婦女科三十年來共剖婦腹至八百人之多其毋須剖腹而全賴藥石醫愈者蓋不知其幾千百矣按婦女之症或胎前或產後或天癸不調或白帶交侵種

利濟外乘卷一

彙編二之十

仰光異人

仰光有異人者居仰屬之嘉吉力地方蹤跡甚奇究不能悉其是人是仙是神是鬼其術能隱身飛行瞬目千里或來或去莫測其端每於稠人廣眾中轉瞬之間忽見其在於座上俄頃復杳固不知來從何來去從何去也異人又好跌坐繩牀牀懸室中無人推挽而自能搖動其異蹟若此類者不可勝述而又最精醫道爲人治病無須方藥不過向病者喃喃誦呪撫摩數次而病者卽覺霍然其醫治跛盲之症尤神可以隨手而愈與以資則堅辭弗受一時爲所治痊者甚眾於是人爭趨之大有舉國若狂之概嗣爲有司所聞恐其惑眾因執而置之獄計有三日之久事爲某華人所知某饒於資前患瞽疾多年嗣經異人醫愈深感其德今聞異人被獲因挺身向公庭代辨力保其并無異志卽懇有司准其保出

無論保項若干均願爲之代出事乃釋異人自是厥名益噪遠近
求醫者竟至絡繹不絕云 約正月十一日滬報

藥漿廣種

叻報云西貢法國醫生野仙前因粵港時疫現在查究因格得治
之之法其藥畧如痘漿之狀以最壯之馬種之而後取其漿水以
治患疫之人前者孟買國家曾經函請其藥惟該醫以藥種無多
倉猝又難卽得爲辭茲聞該醫已廣種此漿不日卽可收成寄往
孟買等處以療民病竊謂叻地近來已漸見有此等時症儻其藥
果能起死則託其代製若干寄來叻地亦未嘗非拯救民生挽回
氣運之一道也 約正月十二日申報

宸翰褒功

日本日日新聞云前年中日之戰直隸總督就牛莊設立野戰病
院以療滿洲受傷兵士有中國婦女金氏者前在美國習醫至此

利濟外乘敘

東甌陳

虬撰

元黃未剖混芒顯氣坤乾判豆文明蒂茁太古宙寓羣眈欸愚
榛榛狉狉睢睢盱盱飲渴餐餓飽醉喁喁天真未鑿俯仰時愉
運化狷薄狙詐漸趨凡百疴癢乃纏厥軀炎熊哲皇用是悲劬
鑽思鑠精舌藥筆書靈素一出閱啟徑涂諸聖苦忱期物永蘇
叢恙霧泯可返太初西方近祀茲學日昌療世澤種神巧天相
絕詣所造華鵲縮步哀哀我夏古法星墜軒岐火薪發芒熄焰
攫食庸醫艾人如麻戈返不亟殤民蜂積海隅鯁生日擊胎憂
故凡討病之粹議製方之妙旨以迄近時症變莫不橐括囊收
彙爲一編顏曰利濟外乘雖管瓶之見神蘊妙諦不無網漏而
山海之量尺埃涓滴亦靡厯棄醫門大師或有採焉光緒丁酉

孟春日

孟春日... 孟春日... 孟春日...

孟春日... 孟春日... 孟春日...

孟春日... 孟春日... 孟春日...

孟春日... 孟春日... 孟春日...

孟春日... 孟春日... 孟春日...

孟春日... 孟春日... 孟春日...

孟春日... 孟春日... 孟春日...

孟春日... 孟春日... 孟春日...

孟春日... 孟春日... 孟春日...

孟春日... 孟春日... 孟春日...

丁酉利濟學堂報利濟外乘卷一 目錄

仰光異人

藥漿廣種

宸翰褒切

官設醫學

倫敦醫學

醫學通神

施醫設塾

衛生瑣談

醫警新法

痲瘋在抱

法醫除疫

台境瘟疫

治疫奇醫

西醫妙技

西醫論舌

孟買疫耗

禾蟲愈疾

博濟醫局

探出病源

俄設醫會

粵省創設醫院

疫蟲備驗

善醫僮童

防瘟考論

利濟外乘卷一 目錄

會議行醫章程

治龔新法

疫蟲宜慎

巴黎書院述畧

新法治病

工部局論

西醫大會

生氣養體

防瘟多術

考試醫學

別離奇症

樹汁醫膏

醫疫設會

時疫遠傳

講究瘟疫

疫癘盛行

請建醫院

德國麻瘋公會

疫蟲宜治

取淚醫病

西醫日精

有志竟成

創造玻璃壁

溫州府

理物平